

玉皇心印妙經真解



30

09468

朱夫子玉皇心印妙經真解叙



宋理宗  
御書

道之本原出於天天者何理而已矣理者何心而已矣心者何本然之良耳人自有生以來氣以成形理亦賦焉在天為五行之氣在地為五行之質發於心為仁義禮智信之德仁也義也禮也智也信也即金剛木柔乾健坤順之理也

土為戊己以備五行立為善長以會五氣故周易一書散之則為六十四卦合之則為太極無極孔子曰五十以學易可以無大過矣誠以易之為書致廣大而盡精微無所不包也然性命之道不敢輕言第曰一陰一陽之謂道又曰成性存存道義之門微露玄機耳故堯舜



禹湯文武周公孔子無非此精一執中之心法相傳於萬世無如後世學者不明此理只求理之糟粕不求道之精微故道自孔孟而後寢失其傳曾子以一唯得心法孟子以養氣為難言豈非性與天道不可得而聞乎故吾之集解章句隱寓性命微闡此理後世學者見吾闢佛老後學謬行之言遂將性命精義之學棄而不講豈知吾為緇黃僧道言非為歸一守一者言也為世之有名無實者言非為踐履篤實者言也夫道渾然之氣耳在儒曰太極在釋曰舍利在道曰金丹也太極舍利金丹無非道也故經籍之中詩首關雎言以陽求陰也



書言精一言至善之地也易首乾坤咸  
恒終於既濟水火言道之不外陰陽二  
氣也禮言安土敦乎仁春秋首書元年  
春王正月無非隱寓三陽之理也嗟嗟  
此理至精至微非時而可輕語乎余生  
於宋寧之時有志聖賢集解經義晚年  
知道之不行自號遜翁閉戶潛養因見

叅同契一書其中盡言易理日月昇降  
坎離會合陰陽交媾火候藥物秩然有  
序遂有出塵之志日以此書娛老然究  
不得其奧妙惟以納甲消遣後以此道  
問於崔公何仙彼皆笑而不答謂余乃  
理學中人何暇及此苟有志於修養則  
治世之理人倫之道無人聞發故退註



叅同契一書傳世所言皮毛未得乎精  
微故宋之理學惟富公歐陽公及邵子  
陳希夷蘇東坡得性命修鍊真傳後皆  
仙舉至於陸氏象山以冥悟為本落於  
玩空一途嗚呼大道淵深非人不傳可  
易言乎余以經教有功上帝勅封為  
文宗配享聖廟俎豆千秋因神晤武夷

同蘇仙翁賞玩鷲湖鹿洞遇復性書屋  
諸生內有習性命之功者名曰虛谷子  
手捧玉皇心印妙經真解一部乃覺  
真子所註叩吾求叙余批覽之下字上  
精微闡發性命之理扶露無遺誠藥世  
針砭也所言雖與吾儒異而其理實與  
吾儒同所言繫物即吾儒言渾然天理



也所言立闕即吾儒道義之門也所言  
採取即吾儒存理遏慾之功也所言結  
丹神化即吾儒誠中形外粹面盎背之  
效驗也况 玉帝之說見於書中者曰  
惟皇上帝又曰簡在上帝豈虛語乎但  
吾儒於齊治均平體用有不同耳嗟乎  
余覽此書不覺浩然嘆曰理無不具道

五

無不包非比世之假儒假釋假道失其  
畜心違悖忠恕慈悲感應行乎三教正  
理之外妄註聖經之言誘惑愚人所可  
同也於後世有志之士幸遇此書究竟  
其中妙理已經為証求訪心法明乎作  
用克己復禮厥性復初以德為畜以道  
為尊則人希賢賢希聖聖希天一誠有



不難矣學者其知之是為叙  
晦庵徽國公朱夫子降於復性書房



玉皇心印妙經註釋原序

古來三教之書。汗牛充棟。其中闕人日用  
倫常者。垂誡不一。惟性命之學。其理精微  
其義玄妙。惜乎無人深窮研究。尋訪至人  
領取生死大事。即有聰明才士。未得指破  
亦不過知其末而已。曾子云。物有本末。事  
有終始。知所先後。則近道矣。余自幼讀書

原

誠心好道。識破富貴榮華。浮如朝露。夫妻  
恩愛。幻若南柯。凡間樂景歡情。莫不石火  
電光。虛而不寔。只有行善積德一着。可以  
感格天地鬼神。余常閱往聖經典。無非教  
人修性返本。明善復初。用是早晚。泥首籲  
天。求感一師。指示修性了命大道。逃出苦  
海輪迴。適至三星之地。得遇月明老人。坐



談數月立誓皈戒指明玄關修鍊法則苦  
行十有四載。一日靜坐。性赴

太華宮中。得見上聖高真。請經說法。謂余  
曰。爾受先天金丹口訣。固貴獨善其身。尤  
宜兼善天下。使人人同歸覺路。個個共出  
迷津。方可超凡入聖。飛昇玉清。余一一領  
之。遂立下洪誓。願將玄機妙果。與衆同修。

原序

因見

玉皇心印妙經。言雖五十字。字字金玉。句句  
玄妙。誠為修鍊金丹寶筏。無如機深義蘊  
昧者。難明。是以潛心體會。薰沐敬將經中  
所藏採取藥物。火候老嫩消長剛柔。結丹  
鍊已還丹。溫養。脫胎。神化。等件。一切妙緒。  
分作二十四章。借引三教真言。闡明註釋。



言雖淺陋義理的真倘後世學人有緣得  
遇此經細繹解義訪證高師將見道之真  
偽理之是非不辯而自明三千六百旁門  
九十六種外道不闢而自破且而修性性  
有其地了命命有所歸外加功德栽培內  
果成熟上應

玉詔脫凡體而證金仙儒尊聖釋尊佛道

原序

三

尊天尊道遙世外永享極樂無疆有識者  
當不以吾言為妄是為序

皆

大清康熙六年桂月望日醒夢道人

覺真子序於金陵別墅





月華老人心印真解原叙

嗚呼。道本無名。強名曰道。道本無爲。強名曰修。此

玉皇心印真經所由作也。余自幼年存心。壯年得道。于丹經子書。閱歷不下千萬卷。名色雖多。終不能講出先天大道一字。余甚戚焉。但成

已尤貴成人。淑身兼宜淑世。每欲註一寶訓。以爲度人梯航。終不可得。今余往朝普陀。于大方丈之中。得見醒夢道人所註玉皇心印妙經真解一部。分作二十四章。其中將經內所藏採取。抽添藥物。老嫩。文武烹煉。溫養沐浴。由築基得



藥結丹。煉已還丹。脫胎神化。一切  
玄妙。一一漏于廿四章中。然漏而  
不漏。不玄而玄。深得上帝著經  
度人本意。且發明  
上帝千萬億劫。未發苦心。誠濟世  
度人寶筏。實獲我心。因于雲水百  
忙之中。樂而爲之叙云。

岢

月華老人序

五

大清乾隆四十八年蒲月望日  
月華老人書于普陀方丈





呂帝心印真解原叙

今夫天無日月。黑暗不明。地無水火。萬物不生。人無性命。骨立難存。嗟乎。日月水火。性命。名雖分六。事散三才。而究之。不外一陰陽而已。陰陽為何道而已矣。余自韶齡入泮。壯歲登龍。由庠生而入進士。三閱春秋。因思富貴浮雲。功名草露。每欲棄官一

訪高人。指示陰陽大道。而不可得。後知任襄陽。任滿調驗。路過終南。得遇正陽帝君。坐談七晝夜。立誓皈依。授吾先天陰陽大道法。天地運用功夫。採天地精華妙理。始知鉛汞抽添。坎離返復。由築基得竅。結丹鍊已。還丹以抵於溫養。脫胎神化。妙境嗚呼。此真乃合天地人。日月水火性命。而



歸於先天大道之中矣。余度人心。切自唐至今。飛鸞顯化不一。今遊南離吉地。太乙園中。得見醒夢道人所註。

玉皇心印妙經一部。分為二十四章。引用各家真言。不一而足。按章細閱。深得心印真詮。回憶吾師授吾修道法則。口不能言者。竟為此解明之心。不能到者。竟為此解

呂祖序

七

到之噫嘻。此經真解一出。不誠為度人寶筏乎。適有湘南抱元居士。執此請序於吾。吾急力從愚刊刻行世。濟度羣迷。用此以誌吾之心意云爾。是為序。 岢

大清乾隆三十七年梅月望日

玉清內相金闕選仙化形孚佑帝君興行  
妙道天尊呂降於南離太乙園中





關帝心印真解原叙

人稟天地陰陽五行之氣而生。可以行天地之全功。即可以載天地之大道。

玉皇心印妙經。垂訓教人。即此意也。吾幼好技藝。冠好英雄。壯好春秋。奮志功名。所謂匹馬踏開三足鼎。單刀劈就漢乾坤。而於天地大道。毫未經心。迨至黃梁夢醒。路過

開序

八

玉泉。得遇普濟禪師。指破迷津。授我先天大道。關竅。於斗牛宮中。苦鍊三載。大丹成就。飛身朝

帝。名列相班。噫嘻。斯道之妙。一至於此哉。吾因大道。不敢擅露玄妙。著有覺世靈文。救劫寶訓。飛鸞行世。歷有年矣。今路過南昌靈谷寺。遇一文生。號曰滌塵居士。手持醒

發道人所註 玉皇心印妙經真解一部

分作二十四章。請序於吾。吾細加批閱。大道所為築基。得藥。結丹。鍊已。還丹。溫養。脫胎。神化。一切秘奧。顯而不顯。微而不微。深得上帝垂經救人本意。勸懲相兼。所引各家真言。不支不蔓。真為度人寶筏。上天霸梯也。吾把玩不忍釋。後世學者。幸勿以

闕序

九

此書當作老僧常談。自迷自悞。今因滌塵請序。特於萬忙之中。借此以作暮鼓晨鐘。發人猛省云爾。是為序

肯

大清乾隆五十六年花月朔日

勅封蓋天古佛伏魔漢漢壽亭侯關降於

南昌霸谷寺之小南軒





真武祖師心印真解原叙

蓋聞五行立。而天道生。五常明。而人道著。溯自鴻濛。以至今日。天包人外。人處天中。蒙蒙昏昏。輪迴六道。如線轉車。自牽自縛。不知天之所以包於人外。歷久而長存者。以其逆運五行。使五行之氣。氣氣相通。毫無一泄。人則不然。一自胞胎初出。乳飲血

真武祖師序

十

食。即昧本初。迫至二八期臨。陰來陽往。天性澆漓。情好日篤。由少而冠。冠而壯。壯而老。數十年。百憂感心。萬事勞形。枝枯葉落。至死莫明。即質以天賦五常人道。已屬難全。何況天道乎。竊思天地無私。常覆常載。日月無私。常照常明。人何不效天地日月。無私而一法天道之逆行哉。嗚呼。叔季人

心。於今為寂。吾每於三昧大定。殄念人心。  
憾不一提斯人之肺腑。一一洗之。使其為  
子能孝。為臣能忠。為兄弟能友。為父母能  
慈。為夫婦能和順。為朋友能信真。以光華  
宇宙。倒轉乾坤。然而不能何也。吾用是咽  
嗚太息。欲得一寶筏救世。而不可得。今奉  
上帝勅。巡天下。路過羅湘。見無縫塔前。有

真武祖師序

七

醒夢道人所註

玉皇心印妙經一則。拾而閱之。不禁情歡  
意合。噫嘻。立說註書。大非易事。今醒夢自  
夢方醒。而欲借此以醒人夢乎。嗣將所註  
經解。按章細加批閱。其中指點玄妙天機。  
若隱若顯。引經據典。不即不離。深得

上帝垂訓初心。誠為提醒迷人大炮。寔獲



我意因於巡察之間樂為序以助醒夢之  
一棒歟是為序 崑

大清乾隆五十八年菊月念日

玉清師相金闕化身蕩魔天尊真武大帝  
降於羅湘無縫塔側之小梅軒



文帝心印真解原叙

噫嘻。人得天地陰陽之全。五行之正而生。為萬物之首。不思超出陰陽五行之外。猶與萬物同處天地之中。爭餐爭食。迷昧真靈。寔大有負天地之所賦矣。余自無始以來。知人得天地之厚。不敢自棄。於是棄塵覓靜。返樸歸真。於大荒山中。得無極子心

文帝序

三

授。始信人間天上。狂聖幾希。因思大道為公。仁智兼重。因復降生塵世。卜七宦途。著有陰騭經文行世。本意原以大道不輕談。借此陰騭一經。啟蒙化俗。以稍異改變人心。於萬一奈乎世人。沉迷已久。名利蒸心。竟把吾之陰騭經文。當為口頭戲語。全不經心。嗣曰浩劫將降。又復著有救劫寶章。



行世。竟又視為具文。嗟乎。人心之變。一至此乎。大劫之降。真不可挽乎。吾不禁感額久之。今奉

上帝勅命。文衡天下。路過南安。有金蟾子。手執醒夢道人。所註

玉皇心印妙經一部。請吾序於南安堂中。吾批閱終日。噫。異哉。於狂瀾萬頃之中。竟

文帝序

古

有一釣艇來救人乎。此經

玉帝於千萬億劫之前。著明垂訓。而其中秘奧。世所難聞。吾即知之。亦不敢泄。今醒夢道人旁參曲引。分為二十四章。按人身過天氣數。顯顯微微。明明暗暗。將一部成仙作佛的靈文。形於言間。令人積德訪師。指示大道。深得

上帝露而不露。令人省悟。自明本意。誠度  
人靈梯。拯溺寶筏也。吾於雲水行間。何幸  
得此以清眉宇。因樂為序。以誌吾之遇云  
皆

大清道光十六年蒲月望日

金闕勅命總理文衡文昌梓潼帝君降於

南安堂中

文前序

十五





王皇心印妙經真解原讚

呂帝讚

心印真傳亘古無。

一經醒夢註方舒。

章分廿四超三界。

大地從今獲寶珠。

月華老人讚

一部心經廿四分。

分分玄妙見天根。

超凡入聖無他法。

抱此心經卽上昇。

關帝讚

共

真武大帝讚

一卷無爲妙印經。

旁參曲証太勞心。

心印傳經度世人。

未曾真解不爲珍。

一經醒夢題名後。

萬古常懸不夜燈。

觀音古佛讚

心印真經本妙玄。

不經引証霧迷天。

自從廿四分章後。

不夜明燈照大千。

文帝讚

心印真經垂上古。有真活潑五十語。任君聰慧  
過顏回。玄牝機關。喫難。哺黑夜。摸門鎖。上封。瞻  
子。整衣。那裡。補一經。醒夢發慈悲。廿四分章。捶  
暮鼓。育者。能看。啞者。言。解除千萬劫之苦。這纔  
是大海狂瀾。溺衆生一艇。橫來水之濱。勸大衆  
早回頭。向着此艇。而捕。

七

又曰

五十真言降玉京  
有經醒夢評章後

百千萬劫一朦燈  
無滅無生轉法輪

又曰

卅四章成泣鬼神  
玉皇心法從今泄

玄機隱顯奪天心  
習者須憑德行深

又曰

無爲而治妙中玄  
註成人鬼能超拔

誰識先天與後天  
功德無量萬古傳

又曰

本來一卷妙玄經  
章成廿四千秋鑑

前無千古後無今  
盲啞昏蒙照自明



玉皇心印妙經真解

廣野山醒夢道人覺真子註

受業門人啟蒙居士明中子較閱

眾姓弟子

陳明新黃省真

邱知中

重刊

上藥三品神與氣精

覺真子曰。上藥者。非山石草木。黃白水銀之類。乃人身自有之物也。不以賢而增。不以愚而減。悟真

十二

云。人人本有長生藥。只是迷途枉把拋。甘露降時。天地合。黃芽生處坎離交。井蛙應謂無龍窟。鷄鶩爭知有鳳巢。丹熟自然金滿屋。何須尋草學燒茅。此經乃上帝大慈大悲。見下民眾生。迷入貪嗔痴愛。名利酒色。醉生夢死。脫骨如山。六道輪迴。何日了期。無藥可醫。特降寶筏。露發玄機。使眾生得聞信受奉行。唸誦者。可以消災解孽。有大志者。以此爲証。求訪真師。得受口訣。卽可以超凡入聖。



奈乎世間一等假知愚人。他言修仙修佛。必要有仙骨仙體。方可修得。並非凡人所爲。正是孔子云。道不遠人。人之爲道。而遠人。自暴自棄。甘墮苦海。輪迴有緣。天堂路絕矣。噯。獨不思想。人爲萬物之首。質列三才之末。體天法地。可能行天地之全功。卽可以載天地之大道。孟子曰。堯舜與人同耳。顏子曰。舜何人也。子何人也。有爲者。亦若是。此皆言人人可以爲聖賢。人人可以作仙佛。只在覺迷之

分云耳。覺者能識真假。視富貴如浮雲。覺俗緣如幻夢。身雖居塵。而心不爲塵染。常存濟人利物之心。覓求至人。得授下手工夫。以德爲本。以道爲尊。久行不忘。一旦功圓果滿。脫殼上昇。超九玄。拔七祖。同享極樂。逍遙玉京。無垢子云。若得心經。苦便無。有何生死。有何拘一朝。脫下胎。週襖。做個逍遙大丈夫。迷者以孽爲樂。以好爲能。以虛爲實。認假棄真。卽有一時道心發現。無如貪妄性成。在明復



暗行假事。志若金剛。偶遇小小蠅頭。便見如蟻慕  
羶。鑽頭覓縫。行真事。心如柳絮。一逢出財積德。就  
要游龜縮首。退步藏身。見富貴而動心。遇患難而  
移志。老死不知悔。古詩云。經營世故日忙忙。錯認  
迷途是故鄉。識得本來真面目。此身原是臭皮囊。  
無垢子云。法身體若太虛空。性道元來總一同。只  
因逐妄迷真性。所以輪迴六道中。三品者言其藥  
之次第。上中下三等鍊法也。煉精化氣爲之下品。

三

鍊氣化神爲之中品。鍊神還虛爲之上品。故曰上  
藥三品。神與氣精也。呂祖云。世人宜假不宜真。難  
度長生上品人。不免天機重漏泄。靈丹只是氣和  
精。凡有大志之士。須要體會這三品藥物。急求明  
師。指點下于之處。不可遲延錯過。光陰虛度歲月  
一失。人身萬劫難復。誠可惜也。

恍恍惚惚杳杳冥冥

覺真子曰。恍惚杳冥者。乃濁淨清昇火逼金行一



元復始之際。現此藥苗景象。老子云。恍恍惚惚。其中有物。杳杳冥冥。其中有精。金剛經云。三藐三菩提。儒云。人欲盡淨。天理流行。悟真云。南北宗源。翻卦象。晨昏火候。合天樞。此是超凡入聖。証佛成真。修煉之效驗。結丹的消息。學道之人。要見此消息麼。却也不難。怎奈世有一等假學之輩。或者讀了幾句儒書。會做幾篇文字。自以爲滿腹經綸。心高氣傲。不肯低求於人。或者看了幾卷丹經。強解強辨。妄猜妄擬。不知性是何修。命是何了。憤高執着。不肯低求於人。或者會誦幾卷經典。稍得一點運氣之術。以爲已知修道之法。不肯低求於人。或者誤投旁門。聽信盲師所指。不辨道之真僞。理之是非。以訛傳訛。偶遇識神發現。項後有光。卽以爲大道已成。不肯低求於人。此乃是等性命如鴻毛。視金丹如兒戲。盲修瞎鍊。妄作妄爲。而質諸恍惚。杳冥消息。茫然莫知。張真人云。饒君聰慧過顏閔。不



遇明師莫強猜。只是丹經無口訣。教君何處結靈胎。吾勸爾等修道之士。要曉人身難得。生死事大。速將一些世俗。假知魔障之心。一刀斬斷。另立一個無人我。無高傲。無貪痴。無嫉妒。無固執的心。腸利人利物。樂善不倦。始得真師口傳心授。下手法則。久行不怠。方有恍惚杳冥玄妙。見於無聲無臭。不覩不聞之中矣。

存無守有。頃刻而成。

三

覺真子曰。金丹大道。不離自身。三寶後。天水火。先天真陰真陽耳。人在母腹未生之前。本乾南坤北。先天主事。母呼隨呼。母吸隨吸。十月胎足。瓜熟蒂落。一個筋斗下地。因啼一聲。先天炁收。後天氣接。乾失中爻之陽。而成離。所以離中虛無也。名曰永。坤得乾宮之陽。而成坎。所以坎中滿有也。名曰鉛。三教聖真。了凡成聖。證佛成真。別無異術。不過知此存無守有。厥性復初而已。悟真云。夢謁華西到。



九天真人投我指玄篇其中簡易無多語只是教人鍊汞鉛。呂帝云。玄篇種種說陰陽二字名爲萬法。王一粒粟中藏世界。半邊鍋裡煮山江。青龍駕火遊蓮室。白虎興波出洞房。此個工夫真是巧得來。平步上天堂。此皆言大道間易至玄至妙至精至微難逢難得一得易成。孔子云。朝聞道夕死可矣。者此也。學道之士若要明覺存無守有之妙。吾今露洩仔細泰詳。迅速覓訪真師盟誓指出存。

虛靈中一陰無而守北海中一陽有。後天中尋出這點真鉛。有返治無工行到此。須用黃婆請動東家之女。邀接西鄉之男。同歸無塵無垢之地。配作夫妻。四海龍王自獻真寶。大丹頃刻而自成矣。三羊真人云。無根樹花正黃色。在中央戊己鄉。東家女。西舍郎。配作夫妻入洞房。黃婆勸飲醞酬酒。每日掀開醉一場。這仙方返魂漿。起死回生大藥王。吾囑學道諸友。用心體會。免墮旁門。曲經明覺性。



命死生玄關勤修苦鍊天堂有望證佛成真有何難哉

回風混合百日功靈

覺真子曰凡修鍊者欲使陰陽混合功在風回欲得靈通功須百日但其中秘奧不遇真師指示雖智過顏閔亦屬徒然今之學人要知回風混合之理先明生身之處方能下手得此靈機何也人初生時本是陰陽合一天理渾然雖有眼耳鼻舌之

二

具而無色聲香味之知四相和合五蘊皆空一性圓明自閒自在能奪天地萬物之靈迨至二八期臨一凡數足若不得至人指示返本陽極陰生天機日淺世慾日開良知良能明化爲味識神用事六賊顛狂眼貪五色耳貪五聲鼻貪五香舌貪五味把一個圓陀陀光灼灼無塵無垢的真性弄得個出入無時莫知其鄉儒云人之初性本善性相近習相遠苟不教性乃遷者此也三教聖真所著



經典篇篇藏道字字隱義。願人人體會其玄。個個同登極樂。怎奈世人血心用事。迷入苦海。不知其苦。身墮幻境。不知其幻。三教金言。視爲故語。于體上帝慈悲度人無量之心。闡明斯義。回風混合者。乃是真永靜。定於北海真鉛。返至於南山青龍白虎。交會黃庭。龍奪虎髓。虎吸龍精。陰陽合並。萬脉歸根。結聚一團。還我本來面目。自有龍吟雲起。虎嘯風生之妙。入藥鏡云。起異風。運坤火。悟真云。虎躍

龍騰風浪。龕中央正位。產玄珠。觀音心經云。般若波羅密多時。金剛經云。一合相。修道有緣。得受真師口訣。明此玄妙法。則二六不怠。苦下百日之工。自然得見回風混合之機矣。

默朝上帝一紀飛昇

覽真子曰。此節却有兩解。如有善念之人。機緣不遇。未得真師口傳心授。不知修鍊下手。能齋戒沐浴。洗心滌慮。行功積德。虔誠叩誦此經。一紀不怠。



亦可感格。上帝之心。一朝棄世。依爾所行功德。

定爾之福。或受天爵。或轉受人爵。以報爾齋戒叩。

誦之功。此一解也。至若超生了死。出苦還原。成其。

不生不滅。正果飛身上清。非金丹口訣。身中默朝。

不能要知。身中默朝之法。須求明師。指點生死之。

穴。五行生化之處。命那無情女子。去到北海龍宮。

將我家七寶。換出他家的定海神珍。方可打通三。

關。疏開九竅。得見默朝之機。默者。默運。我在母腹。

云

中先天真一之息。朝者。我得先天真息作用。五氣。

自然朝元。五氣一朝則週身毫毛孔竅。骨節無不。

朝。此道箇。呂帝云。先天一炁。號虛無。運轉能教。

骨不枯。要識永根。尋帶子訪求。鉛本問仙姑。人人。

會飲長生酒。個個能成不死夫。悟真云。學仙須是。

學天仙。惟有金丹最的端。二物會時情性合。五行。

全處虎龍蟠。只因戊己爲媒聘。遂使夫妻鎖合歡。

等候功成朝玉闕。九霞光裏駕翔鸞。節要篇云。舉。



世學道講泰玄泰玄不識這先天五千四十歸黃  
道三十時辰定黑鉛不在乾坤分闕後本來父母  
未生前。這般寶物家家有。只是愚人識不全者。此  
也可見金丹大道玄妙不測。後世有緣得受默朝  
之理。必要除却奸邪詭詐貪妄一切有相的不正  
念頭。刻加三省九思誠意正心默朝如臨上帝  
之面。虛險防危。方無滲漏。川老仙云。虛空不闕絲  
毫念。所以彰明大覺仙也。至於結胎以後。務須乳  
哺三載。面壁九年。共數一紀。功果全脩。大丹已成。  
一朝帝詔提宣。脫却色身。現出那不生不滅的  
百千萬劫不壞金身。跨鶴飛昇。享受無疆之福。豈  
不樂哉。

知者易悟。昧者難行。

覺真子曰。金丹大道。無論富貴貧賤。智愚賢不肖。  
只要低心下氣。求教高人口傳心授。得知下手之  
處。則採取藥物。火候老嫩。昇降配合。武文烹鍊。以



及超生了死。証佛成真。種種一切法則。自不言而  
易悟。古經云。踏破鉄鞋無覓處。得來全不費工夫。  
儒云。夫婦之愚。可以與知焉。夫婦之不肖。可以能  
行焉。呂帝云。降龍須要志如天。伏虎心雄氣似烟。  
痴蠢愚人。能會得。管教立地作神仙。節要篇云。信  
道金丹理最精。先天指點少人明。不拘貧富家家  
有。無問賢愚種種生。至於無師強學。雖三教聖人。  
本是天生奇才。性命之道。不得師授。亦徒然耳。是

以老子師元始。釋迦師燃燈。孔子師項橐。呂祖師  
正陽。邱祖師重陽。已往佛聖羣真。莫不賴師口口  
相傳。脉脉相授。方成不生不滅之道。孔子云。我非  
生而知之者。好古敏以求之者也。老子云。吾非聖  
人學而得之。世有一等糊塗學道之輩。不知生從  
何來。死從何去。自高自大。假作聰明。把性命之道。  
視爲常行。雖看三教經典。並不窮究其源。又不低  
心求訪高人。以已之見。妄猜妄擬。強解強辨。仗自



已一點記問之學。筆下生花。卽爲取巧。妄註經典。  
自誤誤人老死。不知悔。紫陽真人云。不肯自思己。  
錯。更將錯路教人。誤他永劫在迷津。似恁欺心安。  
忍。孔子云。知之爲知之。不知爲不知。是知也。吾勸。  
後世學人。急早醒悟。切不可強不知以爲知。強不。  
明。以爲明。掩耳盜鈴。捏目生花。自誤性命大事。錯。  
過歲月。虛度光陰。一念爭差。失落人身。苦海無畔。  
矣。

履踐天光。呼吸育青。

覺真子曰。履踐者。乃真工實行之運。坎鉛返本之。  
時也。天光者。金丹之道。剝陰取陽。抽爻換象的工。  
夫子時一陽初動。丑時二陽復生。寅時三陽開泰。  
萬物回春。陽光發現。虎奔龍穴。龜蛇蟠舞。指玄篇。  
云。大道玄機顛倒顛。掀翻地府要尋天。龜蛇共穴。  
誰能見。龍虎同宮孰敢言。九夏高山生白雪。天冬。  
奮火種金蓮。可嘆學道諸君子。好把無毛猛虎牽。



三丰真人云。無根樹。花正香。鉛鼎溫溫現寶光。金  
橋土望曲江。月裡分明見太陽。圭旨云。金滿三車  
奪聖基。衝開九竅過漕溪。迢迢運人崑崙鼎。萬道  
霞光射紫微。呼吸者。雖有龍虎相投。龜蛇蟠舞之。  
象。須知呼吸之法。呼者開也。吸者闔也。將先天元  
始之炁。一出一入也。育青者。育養我浩然之青炁。  
運日月之精華。貫四時符八節。二十四氣七十二  
候。三百六十骨節。均在此一呼一吸之中。古仙云。

三

調息須調真息。鍊神須鍊不神神。非凡夫口鼻  
之納清吐濁。妄取天上日月之精華。暗費工夫。勞  
死無成。紫陽真人云。玄牝之門。世罕知。休將口鼻  
謾施爲。饒君吐納經千載。爭得金烏搦兔兒。古仙  
云。開透雙闕。行日月。金光默默返泥丸。吾勸後世  
學人。務須急早訪師。究竟此中玄機。不可遲延自  
誤也。

出玄入牝若亡若存



覺真子曰金丹大道修至藥苗昇歸乾鼎時候若不知出立入牝之法雖朝勤夕苦丹亦難成學道之士要明白成丹之工麼帝言雖淺還要得明師一指方可一目瞭然榮昇到鼎左手擎定金烏右手捉住玉兔二物對照勅令黃婆將那藥物好調和着神使動出立入牝的工夫出立者陽也名曰呼入牝者陰也名曰吸用這一陰一陽真靈之息鍊氣團丹易曰一陰一陽之謂道者此也凡

三

鍊丹之人工行到此地步緊防六賊作祟又恐陰符發生仙師云子進陽火午有陰符此陰符一生致人神昏必須振定精神把那松木連環寶劍高懸午門羣魔自退而大丹方可成矣中庸程子云放之則彌六合卷之則退藏於密其味無窮皆實學也紫青真人云立牝之門若會通百川萬派總歸東時人若識真消息子正陽生月正中悟真篇云安爐立鼎法乾坤煖煉精華制魄魂聚散氤氲



成變化敢將玄妙等閒論。但玄牝之門。玄名不一。  
曰天地靈根。曰舍衛國。曰紫府宮。曰南天門。曰極  
樂鄉。曰無極根。曰太極母。曰黃庭。曰淨土。曰鵲橋。  
曰蓬萊島。曰窅妙門。曰守一壇。曰幽玄洞。曰靈山  
路。曰甚深法界。曰上天梯。曰龍虎穴。曰無縫塔。曰  
搃持門。曰不動道場。曰出聖地。曰西南鄉。曰真一  
處。曰戊己門。曰混沌竅。曰造化窩。曰虛無之谷。曰  
凝結之所。曰通天竅。曰復命關。曰至善之地。曰斯

三

道之門。曰呼吸之根。曰仙佛鼎。曰主人翁。曰自在  
菩薩。曰無孔笛。種種之名。還是說的這個一字。圖  
圈道德經云。天得一以清。地得一以寧。人得一以  
聖。孔子云。吾道一以貫之。釋迦云。萬法歸一。張真  
人云。此竅非凡竅。乾坤共合成。名爲神氣穴。內有  
坎離精。至於武火烹後。須知文火溫養之法。五行  
攢簇。四相圓明。還我先天無極之象。在於若亡若  
存之間。亡者無也。存者有也。無者後天識神已滅。



有者先天元神作主虛靈不昧黍米大丹成矣

綿綿不絕固蒂深根

覺真子曰綿綿者常也不絕者真息相聚常往來而無間斷也此乃是三關已開九竅通達百脉朝宗週運無停藥不採而自生法不舉而自舉神不交而自交火候純熟無有間斷純有綿綿不絕虎嘯龍吟之象古仙云虎在山頭有應龍眠海底無聲玄珠滾滾過崑崙到此人仙不遠想人未生之

三

時綿綿之景人人都曉個個盡知因一個觔斗下地哭啼一聲先天炁收後天氣受真息炁久而昧之三丰祖云金隔木汞隔鉛陽寡陰孤各一邊三教經典講來講去無非言的性命二字教人返本還原而已惜乎世人爲氣稟所拘人欲所蔽把性命之道不以爲然但人又畏死貪生又不謀超生了死之道帝言此者爲慕道者考金之石修道者上天靈梯求師一指鍊這綿綿不絕之法學人



要知綿綿不絕的工夫麼。須立起富貴不能淫之心。貧賤不能移之志。威武不能屈之胆。有此鐵石念頭。自然得見真心不改的黃婆。他會採那五味長生漿酒。時時引動東家之女。相邀西鄉之郎。談些甜言密語。勸他二人同飲此酒。久而久之。必定上癮。他二人會去會來。情投意合。哈哈。這兩個。人好像成了一個鼻孔出氣。女不捨男。男不捨女。念念不離。二六不亡。其樂難講。其味難明。節要篇。

云。仰俯黃婆作善媒。無中生有自栽培。故教婦女當時待勾引。郎君自外來。兩竅相通無滯礙。中宮聚會不分開。翕然胎合春無限。產個嬰兒號聖胎。後世學道之士。將此段立機務須體會。向自身中窮究。自然得此妙義。世間一等糊塗作孽不堪之輩。不知性命之道。陰陽之理。不識仙佛玄妙。強解誤會。身外求之。見言黃婆姪女。他就買些幼女。以爲鼎器。萬般做作。吾亦難言。全不思天宮仙佛男。



女。抑。有。皆。由。此。間。修。成。依。爾。之。見。男。子。修。實。些。女。子。婦。人。修。豈。不。要。買。些。男。子。乎。此。等。真。是。異。端。邪。術。呂。祖。百。句。章。云。世。人。不。知。理。三。峯。採。戰。行。也。有。說。三。關。也。有。入。爐。臨。又。以。口。對。口。醜。穢。不。堪。聽。一。切。有。爲。法。俱。是。地。獄。人。凡。有。誤。入。邪。徑。者。急。早。醒。迷。速。行。陰。功。感。格。上。蒼。得。遇。聖。師。指。示。身。裏。真。陰。真。陽。修。性。了。命。大。道。免。遭。地。府。顯。戮。慎。之。慎。之。無。垢。子。云。起。初。行。處。認。教。真。若。還。失。脚。喪。其。身。踏。得。

故。鄉。田。地。穩。作。個。逍。遙。自。在。人。中。庸。云。博。學。之。審。問。之。慎。思。之。明。辨。之。篤。行。之。此。皆。教。人。必。先。辨。其。道。之。真。僞。理。之。是。非。的。的。確。確。方。可。下。手。固。蒂。深。根。者。性。乃。命。之。根。命。爲。性。之。蒂。得。取。坎。填。離。之。法。五。行。攢。簇。之。工。修。性。歸。於。命。蒂。鍊。命。返。回。性。根。性。命。會。合。靈。台。之。中。乃。見。綿。綿。不。絕。之。機。自。然。根。深。蒂。固。金。丹。成。矣。儒。曰。致。中。和。天。地。位。焉。萬。物。育。焉。白。玉。蟾。曰。人。人。天。賦。此。元。和。好。把。真。常。各。自。磨。上。



古○止○仙○成○道○者○皆○由○掘○地○採○鉛○多○學○道○者○工○行○到○  
此○須○要○外○功○栽○培○性○命○二○字○由○我○自○主○矣○

人各有精精合其神

覺○真○子○曰○精○在○人○身○一○種○至○寶○順○則○生○人○生○物○逆○  
則○成○佛○成○仙○只○在○人○能○識○順○逆○之○作○用○已○耳○順○者○  
則○神○生○氣○氣○感○精○精○化○而○生○人○物○逆○首○則○精○化○氣○  
氣○化○神○神○還○虛○無○而○登○上○清○然○逆○用○之○道○非○得○真○  
師○口○授○不○能○方○圓○世○有○一○等○學○人○未○得○真○師○口○訣○

聽○信○盲○師○所○愚○把○肝○肺○爲○龍○虎○以○心○腎○作○坎○離○豈○  
知○血○心○屬○後○天○有○形○之○火○徒○燥○而○無○剛○吾○今○點○醒○  
逆○用○迷○團○須○到○南○天○門○找○一○土○地○姓○黃○名○無○塵○請○  
他○找○着○和○合○二○仙○取○動○那○先○天○老○君○太○極○之○中○  
點○虛○無○之○火○爲○君○用○後○天○血○心○之○火○爲○臣○再○把○民○  
火○相○驟○結教○孫○行○者○守○定○方○可○制○化○等○候○白○氣○發○  
現○纔○能○有○用○所○以○開○章○首○言○上○藥○三○品○這○就○是○下○  
品○之○藥○了○男○女○修○鍊○諸○皆○一○理○並○非○兩○法○至○於○結○



丹工用須將精去合神。精者非後天交感之濁精。何也。濁精與神不能相依。要那神工制化之精。可以與神和合。神者亦非血心中之識神。乃是先天本來的元神也。精爲神工制化。又是怎麼精合其神。咦。還是要問南天門的土地和合二仙。他能制精化氣。成藥必然。明精合其神之道。你須駕起三車。將那所制藥物。車至靈谷寺中。安爐立鼎。低心下氣。邀請和合二仙。傳這精合其神的工夫。鍊這

三七

中品大藥。名曰鍊氣化神也。悟真云。坎電烹轟金水。方火發崑崙陰與陽。二物若還和合了。自然丹熟。徧身香。節要篇云。雪向靜中飛。白點芽從虛處長。黃枝奪他陽氣歸來孕。產箇嬰兒化鶴飛。後世有緣之人。得授真師口訣。明此立機。總要身體力行。發猛勇之心。堅長久之志。久行不怠。不負得此大道矣。

神合其氣。氣合體真。



覺真子曰此乃是抽鉛添汞金木合併衆星共朝  
北辰左卧白虎右蟠青龍鍊這神丹還虛的工夫  
但此中玄妙法則不一難書竹帛須得真師面授  
一一指示方知奧義何也卽知下手不知採取不  
能成丹知採取不知時節不能成丹知時節不知  
配合不能成丹知配合不知升降不能成丹知升  
降不知剛柔不能成丹古仙云言語不通非眷屬  
工夫不到不方圓紫陽真人云契論經歌講至真

不將火候著於文要知口訣通玄處須共神仙仔  
細論鍊神還虛的工夫難明若此而鍊虛還無的  
妙法又將何如欲明鍊虛還無之法麼須將真息  
運動三寶合而爲一鍊成舍利金剛現出不生不  
滅真體一旦功圓果滿脫凡胎而跨鶴物外卽此  
體也悟真篇云三才相盜及其時道德神仙隱此  
機萬化旣安諸慮息百骸俱理證無爲仙師云人  
生苦海如浮漚醉生夢死不停流不是遇師親指



點。今日怎能跨鶴遊。凡後世學人。須要誠心體會。勿將此玄機。視爲泛說。可也。

不得其真。皆是強名。

覺真子曰。不得其真。而爲強名者。先天大道。三教一理。本來無二。所著經典。言雖不同。其道一也。一者何真也。真者何玄關也。後世學人。未遇真師。指示。不知性理。不得玄關。真竅。聽信盲師。所愚。各立門戶。萬般強作。苦死無成。古經云。道發三千六百。

三元

門。人人各自一苗根。惟有些子玄關竅。不在三千六百門。此玄關一竅。乃人生死之穴。無極之根。太極之母。仙佛聖賢。人人皆從此始。還原返本。超凡入聖。無不從此竅而成。吾特辨明。以免後世學人。墮入旁門外道。邪術曲徑。明覺玄關。超出苦海。同登彼岸。玄關者。不在心腎。不在口鼻。不在肝肺。不在臍輪。不在尾閭。不在谷道。不在兩腎中間一穴。不在腰前臍後。不在明堂泥丸。不在闕元氣海。不



在臍下一寸三分。不在脾胃。不在膀胱。不在氣門。不在鼻準。這些地所盡是孤陰寡陽。清濁怎分。陰陽怎會。龍虎怎交。三花怎聚。五氣怎朝。汞鉛怎投。藥苗怎取。金丹怎結。節要篇云。一竅玄關要路頭。非心非腎最深幽。膀胱谷道空勞力。脾胃泥丸實可羞。神炁根基常恍惚。虛無窟穴細搜求。原來只是靈明處。養就還丹跨鶴遊。凡有學道之人。不明此玄關性命根蒂。難了生死。皆是強名矣。

神能入石。神能飛形。入水不溺。入火不焚。

覺真子曰。此神不是思議識神。乃是煉精化氣鍊氣所化之神。其體金剛。其性圓明。入石而石無碍。飛形而形能昇。北海雖深水不能溺。南離雖焰火不能焚。其故何也。以其此乃玄珠之立。神妙莫測。初屬水中之金。擒到。卸八卦太極爐中。三昧真火煅鍊。結成至寶。名曰金丹。其大無外。其小無內。日月雖明。難比其光。乾坤雖大。難包其體。上至三



十三天中至四大部洲下至十八重地獄只是一道電光難摩難捉有何石之不入形之不飛水火之能溺焚哉儒云語大天下莫能載焉語小天下莫能破焉悟真篇云歐冶親傳鑄劍方莫如金水配柔剛鍊成便會知人意萬里誅妖一電光無垢子云一性爲密衆爲多先將覺性普均和鍊成一片真如性一性圓明赴大羅但此金丹大道難遇奇緣後之學者務必積功累行哀告神明方可感

動真師指示鍊神之妙矣  
神依形生精依氣盈

覺真子曰形無神不立神無形無依故形衰者神必散精無氣不固氣充精始盈故氣弱者精必滑今人欲鍊化精神而不先固形氣其可得乎每見世俗之人百憂感心萬事勞形多言耗氣喜飲的把一箇生神生精之舍弄得東倒西歪南傾北塌只謂神不我生精不我盈不知神精之舍一廢



神雖欲生而亦無依而生。精雖欲盈而亦無依而盈。及至神耗精消。形氣脫漏。無常來到而不知無常之由。老死不悟。洵可嘆也。古仙云。萬劫千生得箇人。須知先世種來因。此身不向今生度。更向何生度。此身又云。爲人若不行陰德。如入寶山空手歸。可見人身難得。中國難生。六根難脩。知識難明。今得人身中華。又得六根全備。知識聰明。而不自將一切剝散我的物件。一刀斬斷。固我形氣以爲。

神精之依。訪求明師。指示我生神盈精之道。超生了死。出不之原。以圖收場。結果誠草木之不如也。悟真云。不求大道出迷途。縱負賢才豈丈夫。百歲光陰石火燦。一生身世水泡浮。只貪利祿圖榮顯。不覺形容暗悴枯。試問堆金等山嶽。無常買得不來無。吾勸世人大開慧眼。急早回頭。體。

上帝指示金言。覓友尋師。得授形神精氣相依作用。煉精化氣。鍊氣化神。鍊神還虛。鍊虛還無。再加外。



功。培。補。內。果。得。全。脫。凡。體。面。證。金。身。永。劫。長。生。豈  
不。大。快。樂。哉。

不凋不殘松栢青青

覺真子曰。此承上文而言。人之神精。既得形氣相  
依。而有生。盈之妙。則其人之形氣。鍊成舍利金剛。  
自必歷久長存。迢遙物外。亦如歲寒之松柏。而不  
凋不殘矣。然而難言之矣。人生天地間。紅紗罩眼。  
六賊迷心。孰是棄榮華而甘淡泊。孰是厭桃李而

三

愛青松者乎。嘗見青年烈士。慧業文人。一入熱鬧  
場中。卽不識吾身。誰屬以真爲假。以假爲真。認實  
爲虛。認虛爲實。只爲虛假奔馳。不顧實真。朽敗誰  
知。功名朝露。富貴浮雲。石火電光。轉眼卽沒。蜉蝣  
水泡。隨出隨消。卽謂富貴可百年。屈指不過六百  
甲子。功名可三代。相看難滿二百春秋。何況人生  
七十。自古爲稀。富貴功名。一已不能長存。久視悟  
真篇云。人生雖有百年期。天壽窮通莫預知。昨日



街頭猶走馬。今朝棺內已眠屍。妻財拋下非君有。  
罪業隨身難自欺。大藥不求爭得遇。遇之不煉是  
愚痴。指玄篇云。嘆世凡夫不悟空。迷花戀酒送英  
雄。春宵漏永歡娛促。歲月長時死限攻。弄巧常如  
猫捕鼠。光陰猶似箭離弓。不知使得精神盡。願把  
身屍葬土中。吾勸世人早早看破迷津。回頭遶岸。  
立起素富貴。行乎富貴素貧賤。行乎貧賤素患難。  
行乎患難的志向。積功累德。感格神明。訪求明師。

指示不生不滅的大道。不凋不殘的工夫。脫離三  
界。不圓五行。學一個松柏青青。無有那春夏秋冬。  
代謝凋殘之變。長享天外富貴。豈不樂哉。

三品一理妙不可聽

覺真子曰。三品者。卽開章首言上藥三品。神與氣  
精也。一者。先天立開一竅也。理者。調理也。言上藥  
品。雖分三。而其調理鍊法。總不離乎一竅之關。移  
戊就己。坎離投交。將那精氣與神。攢於一處。金木



水火。簌於一中。武鍊文烹。人我俱化。結成一粒黍米。立珠獻與主人。其妙趣有不可言語形容者。又何可耳。之有聽哉。悟真篇云。三五。一都。三個字。古今明者。世罕稀。東三南二同成五。北一西方四共之。戊己之中生數五。三家相見結嬰兒。嬰兒太一含真炁。十月胎完入聖基。此章乃上帝恐人不知精氣與神。三品藥物。歸着煅鍊之處。墮入旁門。有誤性命大事。故特提一理之妙。以警醒之恩。至

深哉

其聚則有其散則零

覺真子曰。人身三寶。煉於一處。妙諦不可令人得聽。然其聚散之神。有零之妙。魚遊水底。冷煖未必不自知也。何也。先天大道三寶。既知合一。立功透三關。通九竅。盜日月之精華。竊五行之妙用。水火逆行。金木合。并丹砂成就。聚散自然。隨心已不欲聚。則已一聚。則萬派朝宗。千江歸壑。自有三花團



聚綿綿密密之神。已不欲散。則已一散。則三山五島十地九州何處不仰千百化身之妙。聚有散。零其捷。若此噫嘻至矣。節要篇云。一片閒心絕世塵寰中。寂靜養精神。素琴彈落天邊月。元酒傾殘甕裡春。五氣朝元隨日長。三花聚鼎逐時新。鍊成大道超凡去。仔細題詩警後人。吾勸後之學者。此段神機實在絕妙。務必訪求明師指示。玄妙須要功德栽培。內果一全。則聚散有零之機。可不勞而自

得矣。

七竅相通。竅竅光明。

覺真子曰。聚有散。零之妙。既已捷如影響。未必八萬四千毫毛孔竅。三百六十骨節筋經。尙然黑暗。不通多塵多垢。有此妙着。何也。一本散於萬殊。萬殊歸於一本。欲神聚散。先通大千。欲通大千。先通七道。欲通七道。先通南昌。但南昌一道未易得通。其中有一不老不少的女子。名曰烏頭太歲。其性



剛烈把守南昌頭關不肯開關人要想七道開通  
須將七寶常常敬奉此女買和其心使其暗地開  
關不我退棄然後七道方可借路相通七道一通  
則九州四瀆河漢江淮竅竅關關自然瞥地回光  
輝騰宇外無垢子云人法雙忘萬事休百川還海  
會源流猛然迸出寥天月照徹乾坤四大州後世  
學人有太奇緣得聞聖師秘訣通竅立機總要積  
功行德苦鍊勤修無論有勁無効一味猛勇向前

七

念茲在茲久久自有通竅光明之樂矣

聖曰聖月照耀金庭

覺真子曰日者陽也月者陰也日月而曰聖有不  
可顯言者也在天爲日月照耀大千無微不入在  
地爲水火運化坤維無物不生在人爲性命活活  
潑潑至虛至靈至於修鍊大道日月二物立名又  
自不一有曰卯酉有曰東西有曰龍虎有曰嬰姤  
有曰鉛汞有曰金木有曰龜蛇有曰鸞鳳有曰男



女有曰夫婦種種別名莫不是說這箇太極圖而已。學道之士既明日月之聖爲太極而不知運用太極使其照耀金庭亦屬無益。今欲知照耀金庭之法須明抽爻換象採藥老嫩之工何也。藥老則藥無用藥嫩則丹不結。紫陽真人云縱識硃砂與黑鉛不知火候也如閒。大都皆藉修持力毫髮差殊不結丹。呂祖云一陽氣發用工夫日月精華照玉壺到此緊關休妄動恐防墮落洞庭湖此乃

四

上帝恐人墮落旁門特將藥苗火候抽爻換象的法則著於言間使人自醒自悟後世學者欲明抽爻換象藥物老嫩之法麼吾體上帝救人慈心爲爾一泄抽者抽離爻中陰換者換坎爻中陽象者景象也火逼金行必有恍惚杳冥之象有此景象乃是藥苗至矣急命黃婆相偕正陽帝君鸞毛羽扇坐在金庭之上睜開眼睛扇他一二次自然虎嘯龍吟紫雲蟠繞日月並明照耀於金庭之所結



成舍利於道名曰靈關。修鍊黍米玄珠於釋名曰靈山。烹鍊牟尼寶珠於儒名曰靈臺。煅鍊九曲明珠。三教名雖不同。其道一也。

得永得自然身輕。

覺真子曰。前言築基得藥。結丹鍊已。俱已透露。講出一指明。此乃言還丹妙理。聖胎完全實際。然還丹之功。實不易得。恐學道之士。無功無德。難得此境。中庸云。苟不至德。至道不凝焉。紫陽真人云。

四九

大道修之有易難也。知由我亦由天。若非積行修陰德。動有羣魔作障緣。太上云。欲求天仙者。當立一千二百善。欲求地仙者。當立三百善。可見古來成真證佛。莫不此功德栽培。吾勸後世學人。有緣得此先天大道。務必積功累行。久久不倦。則還丹聖胎自然得矣。還丹聖胎一得。則身外有身。物外有物。與太虛同體。逍遙無碍。放之包羅萬象。收之黍米玄珠。體證金仙。永劫長存。跨鶴瑤京。而猶有



不身。輕神化者哉。

太和充溢。骨散寒瓊。

覺真子曰。此乃週天純熟。採太和之元氣。名曰大藥。充之於四體。溢之於週身。骨節成玉。筋絡成金。借這色身。修我不生不滅的法體。雖則凡骨多寒。有此和氣。一充自然寒瓊。骨散。孟子云。晬然見於面。盎於背。施於四體。四體不言而喻。心經云。三世諸佛。依般若波羅密多。故得阿耨多羅三藐三菩。

五十一

提節要篇云。自從鑿破鴻濛竅。認得乾坤造化爐。不用神功通水火。自然靈炁透肌膚。朝朝黃鶴藏金鼎。夜夜銀蟾貫玉壺。要識金丹端的事。未生身處下工夫。後世學人有緣得遇大道。採此大藥。必有恍惚杳冥之象。百脉萬竅齊開。徧體舒酥。黃中通理。美在其中。樂味難言矣。

得丹則靈。不得則傾。

覺真子曰。丹之得與不得。其靈傾之應。有不待一。



轉盼者何。具機之捷也。不知得丹者。採萬物精華。奪陰陽造化。運五行。抽鉛添汞。聚三寶。結成靈砂。神機莫測。玄妙難窺。生死二字。由我自主。呂祖云。道在人爲日用常。逆修人口遍。身香便須默。養天胎。就穩跨翔鸞。謁玉皇。此云其靈蓋有不可思議者也。不得者。迷入酒色名利。屈身苦勞苦奔。內外相攻。將三寶全不顧。惜元精常爲交感之精。元炁常爲口鼻之氣。元神常爲思慮之神。幼而壯壯而

老。火水未濟。陰陽相離。魂魄不交。死期立至。三寸氣斷。四大皆傾。這般一脫。又不知投入何殼矣。可不懼哉。無垢子云。智慧聰明。總是心智。人修內。蠢旁尋。若人有智超三界。無智愚夫生死臨。吾勸後之學者。應爲得丹之靈。毋爲不得之傾。亟訪明師。口傳心授。辨明道之真偽。理之是非。何爲先天陰陽。何爲後天陰陽。何爲返本。何爲還原。何爲修性。何爲了命。何爲三花。聚鼎何爲五氣。朝元明此者。



義加功進步依法行持。久人自然靈通而無傾敗之悲矣。

丹在身中非白非青。

覺真子曰。大丹之舍不在身外。大丹之像不可色言何也。故人身有黃庭。乃藏丹之舍。丹結卽在人身黃庭之中。是人生死不相關之地。鬼神覩不破之機。卽儒云精一執中。釋云萬法歸中。道云抱一守中。也。故中庸程子云。中者天下之大本矣。至於

丹之體相。乃人身中青黃赤白黑五行之氣攢簇而成。有何定色。可擬言大無外言小無內言其顏色。任那吳道子的仙筆也。描不出言其形體。任那公輸子的巧心也。彫不出言其玄妙。卽是三教聖人也。說不出。卽謂大丹千百化身光昭宇宙。此乃引入入聖。丹成飛身而後見的景象。若修鍊之時。卽見有此形色。乃人妄念所生。識神發現妄念。不了。卽有天魔投竅性命難存。紫虛真人云。不是燈。



光日月星藥靈自有異。常明無垢。子云清淨無瑕。一法身如蓮出水不沾塵。分身應現千江月。千月還同一月真。吾茲將真身幻景。一一辨明。後世學者務須體會。凡修煉之時。三昧大定。法身出現。見己色身。此乃爲己之不生不滅真人。若己之色身。見有外相。此爲幻景。亟宜返觀內照。守定黃庭。運動真息。以除幻境。切不可認幻象以爲鍊丹之真諦也。

誦持萬遍妙理自明。

覺真子曰。金丹大道。旣無色相可擬。然其中妙理。何自而明。噫嘻。其在誦持乎。其在誦持萬遍乎。或者曰。若是則弟子之惑滋甚。吾見天下誦經浮屠。不下千萬。讀書士子。不下百千。誦經讀書。何止萬遍。未見有明妙中之妙。理中之理者。何也。子曰。是徒知誦而不知持者也。是徒知理中尋妙而不知妙中尋理者也。誦數雖多。如同夢誦。有何妙理之



得明耶三教經典乃三教聖人道成天上筏遺人間爲後世衆生超凡入聖路徑。儒有大學中庸釋有金剛蜜多心經。道有此經。非是教人口頭唸誦是教人身體力行。非是教人嗜眼妄行。是教人妙中尋理。初祖云達摩西來一字無全憑心意用工。夫若教紙上尋佛法筆尖醺乾洞庭湖金剛經云。若以色見我以音聲求我是人行邪道不能見如來。中庸云戒殺以具所不覩。恐懼乎其所不聞。今

人欲明金丹妙理。須要立起超羣拔萃之志。始終如一。一之心人之難捨。我能捨人之難爲。我能爲人之難行。我能行人之難苦。我能苦人之難屈。我能屈人之難受。我能受之恩愛。不爲糾富貴不能誘如是。可以聞道。可以學道。可以修道。可以行道。可以成道。可以了道。元須誠訪真師。指示修鍊次序。結丹妙處潛心理會。人一能之已百之。八十能之已千之。自然心花開放。妙理潛明。果熟成丹。超立接



祖證佛成真永重極樂無疆矣。

玉皇心印妙經

終



原跋

余先大父素好金丹購買丹經子書盈箱滿篋而未得真傳抱戚棄世余父領之訪師三十載足跡遍坤輿亦不得謝塵日撫余背曰尔祖與吾于金丹一道煞費苦心而卒無一得太上云欲求天仙者當立一千三百善欲求地仙者當立三百善吾與

五

尔祖之不能得金丹真訣者其殆善之未立耳汝善繼之余於是棄儒業醫借醫可以濟世亦可以養身且可借此遊覽名區一訪高人踪跡醫遊十載遍歷荆襄究冀粵蜀滇黔非名利先生即蠅趨市叟而欲求一明金丹大道者以為師卒不可得噫余家三世於茲均非浮慕而竟無一遇者何也



回思真師不遇皆由善量未宏由是廣立  
善緣開局送藥更倡造船拯溺設堂育嬰  
如是又復三載一日購藥金陵子江東門  
外茶坊中得遇吾師與一僧對談語漏金  
丹二字余甚竒之豈金丹大道即于此可  
得耶遂長跪席前叩其姓氏里居并金丹  
玄妙師云此非談玄之所盡往吾寓一遊

跋

至

余于是敬步後塵登堂展拜詰朝即執弟子  
禮以見細叩玄機師言此道非常道乾  
坤共合成名為神炁穴內有坎離精非立  
誓皈戒不能妄傳余謹領誓戒得指先天  
即棄家負笈旦晝勤求吾師道通三教學  
貫天人立說註書非玄即妙一時誦之而  
得進取者不一而足一日手執一編示余



名曰

玉皇心印真解分為二十四段註釋囑余校閱募刊行世以濟羣迷余敬謹莊誦如夢初醒誰知一部金丹大道玄機盡藏于心印妙經五十句內不經師解長夜漫漫用是細加校閱凡師所傳余之採取抽添藥物老嫩文武烹鍊結丹鍊已還丹溫養脫

跋

五

胎神化等等法則以經証已以已証經莫不句句金玉字字珠璣曲証旁叅一絲不礙誠為靈山捷徑無極心傳真游夏不敢贊一詞矣嗟乎余祖父三代慕斯至余方得真傳得與吾師同校此解斯道之難亦至如此哉吾願後之同志得見是書得聞是道幸勿自棄適史子應修王子



正志在坐聳吾校畢跋此全刊以公世  
云  
岿

大清康熙六年桂月望五日

門人啟蒙居士明中子謹跋于金  
陵別墅

跋

五九

信士弟子唐潤餘敬送一百本

如要知此經之妙理  
請入同善社便曉



